

## Musa Ku Embahang Psdka Smpug Kari Seejiq Tnpusu Ka Thiyan Mu Matas

Yaku o gaga ku mniq alang seejiq Truku ska dgiyaq Taywan, sayang o maxal kingal ka hngkwasan mu ni nii ku matas(muyas) ptasan bilaq tgrima hngkawas. Ptasan(Pyasan) alang mu o tgaaw nami laqi Truku kana ni niqan cicih ka laqi seejiq isil klgan uri, uxay lala(egu). Mdudul na o ida yami seejiq Truku, emptgsa na do mgmimax lala klgan kida, niqan seejiq Klmukan, Tayal, Amis ni deita Seejiq. Mseupu nami kana lqlaqi seejiq klgan tqqaras matas kjiyax, knklgan ka emptgsa nami uri o mssblaiq nami bi mseupu mniq ni mttuhuy, mqqaras mseupu matas ni smluhay ana manu kngkla babaw dxgal ni smluhay ta maa kingal balay bi seejiq. Malu ni gmealu bi mnan ka demptgsa ni mdudul nami, mqaras bi kjiyax ka mniq nami ptasan. Lala(egu) bi uuda nami smluhay ni pspung psdka ana manu saw snlhayan nami uri.

Niqan kingal jiyax muda psdka smpug kari Truku kana ka ptasan nami, niqan rima hiyi ka ga mu thiyan matas o mowsa teumal psdka uri. Brah na mmowda psdka na siida o mnda mnlala bi ptgsa emptgsa, wada mgsmay balay mdrumuc smluhay smpug ni negeegan nami tgmalu na ka dhiya rima hiyi nii, qrasun nami bi ni pddgun, sqrasan nami balay ka dhiya. Tai saw mmowda dhuq mangal paru bi qrasun ka uuda dha.

Babaw ska hidaw dha tuki smka ka prajing psdka, embbkug nami mtmay sapah pslian ni tluung, mgmeelux nami bi embahang kngkingal laqi empatas musa pspung smpug patas kari Truku. Wada bi hiya kana biyax dha musa psdka smpug ka dhiya, qtaan ta o duma na ka empsdka o mnduwa bi ni msleexan bi smpug dha, duma na o paru bi quwaq dha rmngaw ni mhnang bi smpug dha, duma o ida saw baka hari, duma o ini hari msleexan smpug na, duma o mqnuqu smpug ni saw smhulis uri. Sun mu haya mita ka ndaan thiyan mu matas dhiya o niqan dha hiyi o kibi saw malu bi. Yaa bi kingal iyax tuki sngari do nhdu psdka da. Ini qbsiyaq do nhdu matas kana ka pnspuan knkla dha ni pgkla ka pusu empsdka. Pklug bi siida o ini nami bi squwaq kana ni sgnaah na bukuy tgtru smpug ni bitaq tgkingal o ima sun na pkla. Kiya do bhangam nami sa mangal tgkingal malu bi snadu ka thiyan nami matas do mdjiras msmowlung tqqaras musa nami brah niya wah! Ana bi rabang qrasun kida. Thiyan mu matas nii o wada mkrbuk bi smluhay ni kika mqaras mangal malu snadu. Ana manu uuda ta meudus babaw dxgal uri o asi ka saw nii kika meangal malu snadu uri.

## 我去聽同學的族語朗讀比賽

個人去聽校內族語朗讀賽之前後的過程。首先自我簡介族名及部落國小概況，含校內師生狀況及平日在校學習生活等。同學們的母語學習很艱苦，若是要參加比賽就要加倍認真學習才有資格參加，更重要的是教導的老師們更需要愛心耐心等去培養茁壯。

原住民族語言的比賽是每年從固定舉辦的比賽。賽前辛勤努力、鼓勵就是喜樂的收穫。當同學在校內比賽現場及同學能獲得第一名盛況感動不已，人生在世不是不勞而獲，應辛勤努力才是，共勉之。